

punto 2º do Decreto 365/1996, do 26 de setembro, polo que se regulan os horarios comerciais no ámbito da Comunidade Autónoma de Galicia, modificado polo Decreto 98/1998, do 20 de marzo, a Consellería de Innovación e Industria fixará anualmente oito domingos e festivos, que se consideraran hábiles para os efectos do exercicio da actividade comercial en todo o territorio da Comunidade Autónoma de Galicia.

En aplicación dos citados preceptos, logo da consulta efectuada cos axentes socioeconómicos interesados, e tendo en conta o interese xeral do comercio e dos consumidores, procédese á fixación dos 8 domingos e festivos que, para os efectos do exercicio da actividade comercial, terán a condición de hábiles durante o ano 2007,

DISPOÑO:

Artigo único.-Os domingos e festivos en que os establecementos comerciais poderán permanecer abertos ao público cun horario máximo de 12 horas diarias durante o ano 2007 son:

7 de xaneiro.
1 de xullo.
1 de novembro.
2 de decembro.
8 de decembro.
16 de decembro.
23 de decembro.
30 de decembro.

Santiago de Compostela, 18 de decembro de 2006.

Fernando Xabier Blanco Álvarez
Conselleiro de Innovación e Industria

Orde do 20 de decembro de 2006 pola que se convocan bolsas para a formación de expertos turísticos en mercados emisores mediante a realización de prácticas profesionais de especialización en oficinas de turismo no estranxeiro durante o ano 2007.

Debido á grande importancia que o sector turístico ten no desenvolvemento da nosa economía requírese que as administracións públicas destinen recursos para xerar iniciativas con tendencia a mellorar cada día o sector para así manter a demanda existente e incrementalala en todo o que sexa posible.

Entre esas iniciativas, a Xunta de Galicia, a través da Dirección Xeral de Turismo, desde o ano 1999 vén dedicando parte dos seus recursos en materia turística á convocatoria de bolsas para que, a través

da realización de prácticas na rede de oficinas do Instituto de Turismo de España (Turespaña) no estranxeiro e na oficina de turismo de Galicia en Bos Aires, se formen expertos en promoción exterior do turismo e se estableza unha base de apoio á captación de demanda turística a Galicia.

Á vista dos frutíferos resultados obtidos nas anteriores edicións, a consellería considera de interese continuar con esta medida. Por iso, con cargo aos créditos asignados a esta finalidade no exercicio de 2006, consonte o establecido sobre medidas de fomento no artigo 73 da Lei 9/1997, do 21 de agosto, de ordenación e promoción do turismo en Galicia, en concordancia co sinalado no artigo 75.1º da dita lei, e tendo en conta as determinacións establecidas na Orde da Consellería de Economía e Facenda do 11 de febreiro de 1998, modificada polas de 27 de novembro de 2000 e 25 de outubro de 2001, sobre tramitación anticipada de expedientes de gasto, en uso das facultades que teño atribuídas, dispoño a convocatoria, en réxime de concorrencia competitiva, das bolsas enunciadas na epígrafe, de acordo coas seguintes bases:

Primeira.-Destino, número, duración e contido das bolsas.

Convócanse seis bolsas para a realización de prácticas profesionais de especialización de expertos turísticos en mercados emisores, que desenvolverán as súas funcións nas seguintes cidades: Bos Aires, Londres, Frankfurt, Roma, Copenhague e Lisboa. As prácticas comezarán en marzo e terán unha duración de nove meses e medio. Non se preverán períodos de vacacións.

Nas localidades de Londres, Frankfurt, Roma, Copenhague e Lisboa os bolseiros desenvolverán a súa actividade nas oficinas españolas de Turismo no país de destino, baixo as ordes e supervisión do director da devandita oficina ou persoa a quen este asigne a titoría do bolseiro, onde se integrará como membro dela, con suxeición ás normas da oficina sobre xornada laboral e de funcionamento, utilizando os medios dispoñibles no centro de traballo que sexan necesarios para a realización das tarefas que lles encomende o director, e que serán compatibles co plan de actuación aprobado para cada un deles.

En Bos Aires, o beneficiario desenvolverá as súas funcións no Centro de Galicia desa localidade, sito na rúa Bartolomé Mitre 2538/60, onde desempeñará as actividades de información e promoción que desde a Dirección Xeral de Turismo lle sexan encomendadas, en coordinación co presidente do devandito centro, que será o que acredite o cumprimento por parte do bolseiro das tarefas encomendadas.

A Dirección Xeral de Turismo reserva para si a facultade, se existen circunstancias que o xustifiquen e o órgano competente en OET da Secretaría Xeral de Turismo do Ministerio de Industria, Turis-

mo e Comercio está conforme, de adscribir os bolseiros a outras oficinas temporal ou definitivamente. No caso de que iso implicase desprazamentos, a dirección xeral faríase cargo deles.

Segunda.-Requisitos dos solicitantes.

* Nacionalidade: española.

* Titulación: licenciado ou diplomado en turismo ou calquera titulado superior.

* Ter finalizada a licenciatura ou diplomatura nos cinco anos inmediatamente anteriores ao momento de remate do prazo de presentación das solicitudes e non ter máis de 35 anos.

* Idiomas: dominio oral e escrito da lingua do país de destino. No caso da bolsa en Copenhague, bastará o dominio do inglés.

* Non ter desfrutado con anterioridade de ningunha bolsa para a formación de expertos turísticos en mercados emisores.

Terceira.-Dotación das bolsas e determinacións orzamentarias.

A concesión das bolsas farase con cargo á aplicación orzamentaria 10.06.761A.480.0 dos orzamentos xerais da Comunidade Autónoma de Galicia para o ano 2007, tendo en conta que, en todo caso, o gasto proxectado se suxeitará á existencia de crédito axeitado e suficiente para tal fin nos ditos orzamentos xerais e ao disposto na Orde da Consellería de Economía e Facenda do 11 de febreiro de 1998, modificada pola Orde do 27 de novembro de 2000 e do 25 de outubro de 2001, sobre tramitación anticipada de expedientes de gasto.

O importe total do crédito destinado a esta convocatoria é de cento trinta e nove mil setecentos (139.700 €) euros, que se repartirá como segue:

Cidade de destino	Nº de bolsas	Dotación euros (total)
Bos Aires	1	22.700
Lisboa	1	23.400
Londres	1	23.400
Roma	1	23.400
Copenhage	1	23.400
Frankfurt	1	23.400

Na dotación de cada unha das bolsas están incluídos os gastos de desprazamento (ata e desde o lugar de destino). O crédito poderá incrementarse no suposto previsto no derradeiro parágrafo da base primeira.

Cuarta.-Condicións e incompatibilidades.

1. A condición e desfrute dunha bolsa non establece relación laboral ou contractual de calquera tipo coa Xunta de Galicia nin a inclusión na Seguridade Social.

2. A percepción da bolsa non será compatible co desfrute doutras axudas.

Quinta.-Obrigas dos bolseiros.

1. Desenvolver a actividade obxecto da bolsa, que se detalla no seu plan específico de actuación, cuns niveis de dedicación e rendemento satisfactorios, presentando informes trimestrais de actividade á Dirección Xeral de Turismo, e calquera outro que determinen o director xeral de Turismo ou o director da oficina na que estivesen destinados.

2. Presentar unha memoria final realizada polo bolseiro e visada polo responsable da oficina sobre as tarefas realizadas e os resultados obtidos, con inclusión das propostas de mellora que se consideren oportunas.

3. Comezar o desfrute da bolsa dentro do prazo que se sinala en cada caso e desenvolver o seu labor sen que ningún outro compromiso anterior ou futuro o impida ou dificulte. O bolseiro comprométese a non renunciar á bolsa salvo causa de forza maior.

4. Facilitar toda a información que lle sexa requirida pola Intervención Xeral da Comunidade Autónoma, o Tribunal de Contas e o Consello de Contas, no exercicio das súas funcións de fiscalización e control do destino da bolsa obxecto desta orde.

Sexta.-Presentación de solicitudes.

1. Os interesados dirixirán a súa solicitude á Dirección Xeral de Turismo, segundo o modelo normalizado que se publica como anexo I a esta orde e está dispoñible na internet no enderezo: <http://xunta.es/conselle/in>. Deberá remitirse en calquera das formas previstas na Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro, no prazo dun mes contado a partir do día seguinte ao da publicación da orde no *Diario Oficial de Galicia*.

Coa solicitude achegarase a seguinte documentación:

a) Unha fotocopia (por ambas as dúas caras) do DNI ou documento análogo.

b) Certificación académica completa ou fotocopia compulsada dela, que inclúa as cualificacións obtidas na licenciatura, na diplomatura ou na materia de técnico de empresas e actividades turísticas. No caso de que o expediente académico non sexa español, será preciso que este estea debidamente validado pola Administración educativa española.

c) *Curriculum vitae*, cos documentos acreditativos correspondentes. Valorarase con carácter preferente o coñecemento de idiomas estranxeiros, o coñecemento de informática, así como as actividades de formación, investigación e experiencia laboral no ámbito turístico. A documentación que estea en idioma distinto ao castelán ou galego deberá presentarse traducida debidamente por un tradutor xuramentado.

d) Declaración sobre bolsas das que se estean beneficiando ou que solicitasen.

2. Os interesados poderán presentar dúas solicitudes como máximo. Nese suposto sinalarán o destino preferente.

Sétima.-Proceso de selección e resolución.

1. A selección das solicitudes será realizada por unha comisión que se constituirá para o efecto e que se axustará ao disposto na Lei 30/1992, do 26 de novembro, de réxime xurídico das administracións públicas e do procedemento administrativo común. Estará composta polos seguintes membros:

Presidente: a xefa do Servizo de Formación, Cooperación Institucional e Documentación da Dirección Xeral de Turismo.

Secretario: o xefe da Sección de Cooperación e Documentación.

Vogais: un/unha funcionario/a da Dirección Xeral de Turismo e un xefe de área de Turgalicia designados polo presidente da comisión co visto e prace do director xeral de Turismo.

Para as probas de idioma, o conselleiro, por proposta da comisión, poderá designar asesores especialistas, que terán voz pero non voto nas sesións que esta celebre.

2. A valoración dos méritos alegados polos candidatos se realizará conforme o seguinte baremo:

A) *Curriculum vitae*.

Formación: ata 5 puntos.

Informática: por cursos relacionados coa informática e/ou internet, como mínimo de 20 horas: 0,10 puntos ata un máximo de 0,50.

Idiomas: por coñecemento dun idioma distinto do país para o que se solicita a bolsa: 0,50 puntos ata un máximo de 1,50.

Cursos: por cada curso relacionado con turismo cun mínimo de 12 horas, 0,10 ata un máximo de 1; e por cursos de posgrao ou mestrados relacionados: 1 punto.

Investigación: por traballos de investigación en materia turística avalados por un organismo oficial, ata un máximo de 1 punto.

Experiencia: ata 2 puntos.

Por cada 3 meses de prácticas ou traballo no sector turístico: 0,50.

B) Probas.

Test sobre temas do anexo II: ata 3 puntos.

Idioma (proba oral): ata 3 puntos.

C) Entrevista persoal.

Valorarase ata un máximo de 6 puntos. Coa entrevista preténdese profundar nos coñecementos dos candidatos verbo do país para o que soliciten a bolsa e na comercialización e promoción turística, así como

valorar as súas actitudes e aquelas outras circunstancias que se consideren de interese para o seu futuro traballo.

3. Proceso de selección.

3.1. A comisión, unha vez examinadas as solicitudes presentadas, elaborará unha lista cos aspirantes admitidos e excluídos, detallando neste caso a causa de exclusión, e convocará os primeiros á realización de dúas probas: unha tipo test sobre o temario que se inclúe como anexo II desta orde, e outra oral de idioma. A entrevista realizarase xunto coa proba de idioma.

3.2. A comisión valorará os méritos alegados polos candidatos conforme o baremo arriba indicado, e propoñeralles ao conselleiro a adxudicación das bolsas aos candidatos de maior puntuación.

3.3. As listas de aspirantes admitidos e excluídos, as datas e lugar da realización das probas e a puntuación obtida polos solicitantes para cada oficina faranse públicas nos taboleiros de anuncios da Dirección Xeral de Turismo e na páxina web da Consellería de Innovación e Industria. Entre a exposición da lista de aspirantes admitidos e excluídos e a realización da primeira proba debe mediar, polo menos, un período de dez días.

4. O prazo máximo para a resolución do expediente é de tres meses. A resolución do conselleiro pon fin á vía administrativa e contra ela poderá o interesado interpoñer recurso contencioso-administrativo perante o Tribunal Superior de Xustiza da Comunidade Autónoma de Galicia, no prazo de dous meses, contados desde a recepción da notificación da resolución ou ben interpoñer, no prazo dun mes desde a recepción da resolución, recurso de reposición perante o conselleiro de Innovación e Industria.

Aos adxudicatarios notificaráselles persoalmente a concesión da bolsa nos domicilios que sinalasen nas solicitudes. Eles están obrigados, no prazo de cinco días naturais, a comunicarlle á Dirección Xeral de Turismo a súa aceptación ou renuncia. Se transcorridos os sinalados cinco (5) días non se fixese manifestación en ningún sentido, tal feito entenderase como renuncia á bolsa e esta concederáselle ao seguinte candidato con mellor puntuación de entre os que solicitaron ese destino e que non fose beneficiario doutra das bolsas convocadas.

No suposto de que non existise suplente porque non houberse máis candidatos ou estes tamén renunciasen, poderáselles ofertar aos seguintes aspirantes por orde de puntuación, sexa cal for o destino solicitado, sempre que acreditasen suficiente coñecemento do idioma do país de destino ou, se é o caso, polo menos de inglés.

1. Xunto co escrito de aceptación da bolsa, no que debe constar expresamente que o beneficiario

coñece e se compromete a cumprir as bases da convocatoria, o adxudicatario deberá remitir a seguinte documentación:

a) Unha declaración de renuncia expresa a calquera outra bolsa ou axuda similar da que fose beneficiario ou que solicitase.

b) A certificación bancaria da conta onde se aboará a bolsa.

c) Unha declaración da súa situación familiar para os efectos do cálculo das retencións fiscais.

Oitava.-Aboamento das axudas.

1. Realizaranse catro aboamentos, unha vez recibidos de conformidade os documentos que se especifican a continuación. O primeiro pagamento equivalerá ao 30 por 100 do importe total da bolsa, e realizarase durante os dous primeiros meses; os dous pagamentos seguintes equivalerán ao 25 por 100 por cada un; e o cuarto pagamento, que se elevará ao 20 por 100 da bolsa, unha vez finalizadas as prácticas.

En todos os pagamentos efectuarase a correspondente retención á conta do imposto sobre a renda das persoas físicas.

2. Primeiro pagamento: para o seu aboamento será requisito ter enviada a seguinte documentación:

a) Escrito de aceptación da bolsa, onde conste o compromiso de cumprimento das normas e obrigas derivadas das bases desta convocatoria.

b) Fotocopias compulsadas das pólizas de seguro de asistencia sanitaria e accidentes, válidas no país onde se realicen as prácticas e que cubran a totalidade do período de duración da bolsa.

c) Fotocopia do billete ata o lugar de destino.

3. Pagamentos intermedios (segundo e terceiro): para o aboamento destes será requisito ter presentados:

a) Certificación, expedida polo director ou responsable da oficina onde se realicen as prácticas, de levar a cabo a súa actividade cun nivel de rendemento satisfactorio.

b) Informe trimestral ao que alude a base quinta desta orde.

4. Pagamento final: para o aboamento do derradeiro pagamento será requisito ter presentada a seguinte documentación:

a) Certificación expedida polo director ou responsable da oficina onde se realicen as prácticas no mesmo sentido do punto anterior.

b) Memoria realizada polo bolseiro e visada polo director ou responsable de oficina verbo das funcións desempeñadas e cun balance que inclúa os resultados obtidos e as propostas de mellora, se é o caso.

Novena.-Cancelación da bolsa.

En calquera momento, o director da OET correspondente poderá propoñer á Subdirección de Comercialización Exterior de Turismo e OET quen decidirá a cancelación da adscrición do bolseiro á bolsa por razóns de insuficiencia no seu rendemento, incumprimento do plan de actuación aprobado ou inadaptação ás normas de funcionamento da oficina. Á vista diso, a Consellería de Innovación e Industria, logo do trámite de audiencia, poderá revogar a concesión ou suspender o desfrute dunha bolsa por incumprimento das obrigas contraídas polos adxudicatarios.

No suposto de renuncia durante o desfrute da bolsa, o conselleiro, tendo en conta o que manifeste o interesado e unha vez estudadas as circunstancias conxuntas no caso, resolverá se procede a devolución total ou parcial das cantidades percibidas ou soamente a anulación dos aboamentos pendentes, e se se cubre a praza polo tempo restante.

Décima.-Entrada en vigor.

Esta orde entrará en vigor o día seguinte ao da súa publicación no *Diario Oficial de Galicia*.

Disposición transitoria

Todos os actos ditados nos expedientes de gasto regulados ao abeiro desta orde se entenderán condicionados a que, unha vez aprobada a Lei de orzamentos xerais da Comunidade Autónoma de Galicia para o ano 2007, subsistan as mesmas circunstancias de feito e de dereito existentes no momento en que se produciron aqueles. A concesión das axudas reguladas nesta orde quedarán sometidas á condición suspensiva de existencia de crédito axeitado e suficiente no momento da resolución.

Disposicións derradeiras

Primeira.-En todo o non recollido nesta orde aplicarase o disposto para esta materia na Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro; no texto refundido da Lei de réxime financeiro e orzamentario de Galicia, aprobado polo Decreto legislativo 1/1999, do 7 de outubro, modificado pola Lei 5/2000, do 28 de decembro; o Decreto 287/2000, do 21 de novembro, polo que se desenvolve o réxime de axudas e subvencións públicas da Comunidade Autónoma de Galicia; a Lei 38/2003, do 17 de novembro, xeral de subvencións, e a Lei de orzamentos xerais da Comunidade Autónoma de Galicia vixente na anualidade correspondente.

Segundo.-Facúltase o director xeral de Turismo para ditar cantas disposicións considere oportunas no desenvolvemento e interpretación desta orde.

Santiago de Compostela, 20 de decembro de 2006.

Fernando Xabier Blanco Álvarez
Conselleiro de Innovación e Industria



XUNTA DE GALICIA
CONSELLERÍA DE INNOVACIÓN
E INDUSTRIA
 Dirección Xeral de Turismo

ANEXO I

PROCEDEMENTO BOLSAS PARA A REALIZACIÓN DE PRÁCTICAS DE ESPECIALIZACIÓN EN MERCADOS EMISORES DURANTE O ANO 2007	CÓDIGO DO PROCEDEMENTO IN981B	DOCUMENTO SOLICITUDE
--	---	--------------------------------

DATOS DO/A SOLICITANTE ¹

PRIMEIRO APELLIDO	SEGUNDO APELLIDO	NOME	NIF
ENDERIZO (RÚA, NÚMERO E ANDAR)		LOCALIDADE	
PROVINCIA	CÓDIGO POSTAL	CORREO ELECTRÓNICO	
ENDERIZO PARA NOTIFICACIÓNS ²		TELÉFONOS ³	

EXPOÑO:

Que á vista da convocatoria de bolsas para a realización de prácticas profesionais de especialización en mercados emisores, publicada no DOG nº [] de 200 [], e considerando reunir os requisitos exixidos, de conformidade coa documentación que se xunta, e coa miña expresa aceptación de todos os termos da dita convocatoria,

FOTOCOPIA POR AMBAS AS CARAS DO DNI OU DOCUMENTO ANÁLOGO

DECLARACIÓN SOBRE AXUDAS QUE ESTEA DESFRUTANDO OU SOLICITASE

CERTIFICACIÓN ACADÉMICA

CURRICULUM VITAE E DOCUMENTOS ACREDITATIVOS CORRESPONDENTES (INDICAR CALES)

SOLICITO:

Unha bolsa para a realización de prácticas de especialización na oficina de ⁴

A []
 B []

¹ É obrigatorio cubrir todos os recadros de datos do/a solicitante, excepto correo electrónico

³ É conveniente indicar máis dun número para unha fácil localización

² Non é válido indicar como enderezo un apartado de correos

⁴ Non se poden indicar máis de dúas oficinas (no caso de solicitar dúas, poñer a prioritaria na epigrafe A)

AUTORIZO:

De conformidade co artigo 13.4º da Lei 4/2006, do 30 de xuño, de transparencia e de boas prácticas na Administración pública galega, a consellería publicará na súa páxina web oficial a relación dos beneficiarios e o importe das axudas concedidas, polo que a presentación da solicitude leva implícita a autorización para o tratamento necesario dos datos dos beneficiarios e da súa publicación na citada páxina web.

LEXISLACION APLICABLE

Orde do 20 de decembro de 2006 pola que se convocan bolsas para a formación de expertos turísticos en mercados emisores mediante a realización de prácticas profesionais de especialización en oficinas de turismo no estranxeiro durante o ano 2007.

SINATURA DO/A SOLICITANTE OU PERSOA QUE O/A REPRESENTA

En

Director xeral de Turismo

(Para cubrir pola Administración)

RECIBIDO

REVISADO E CONFORME

NÚMERO DE EXPEDIENTE

DATA DE ENTRADA

DATA DE EFECTOS

DATA DE SAIDA

ANEXO II

Temario

Tema 1. A Galicia prerromana: o megalitismo. A Idade de Bronce. A cultura castrexa. A influencia céltica.

Tema 2. Arte medieval: o prerrománico en Galicia. O esplendor románico. O gótico.

Tema 3. A arquitectura renacentista e barroca en Galicia. Exemplo das súas manifestacións máis importantes en Galicia.

Tema 4. A arquitectura modernista en Galicia. A Xeración Nós e o Seminario de Estudos Galegos. O momento de vangarda na arte galega.

Tema 5. A arquitectura popular galega. Artesanía e oficios populares. O folclore. A gastronomía.

Tema 6. Historia de Galicia. Principais feitos históricos.

Tema 7. Áreas naturais no litoral: rías, illas e praias, zonas húmidas e areais, acantilados.

Tema 8. Áreas naturais do interior: as montañas, os vales fluviais, os bosques e as lagoas.

Tema 9. Costa da Morte e Rías Altas. Especial significación da Costa da Morte.

Tema 10. As Rías Baixas.

Tema 11. A Galicia interior.

Tema 12. O Camiño Francés e outros tramos galegos do Camiño de Santiago.

Tema 13. As cidades e vilas galegas como focos de atracción turística.

Tema 14. Diversificación e novas ofertas turísticas: termalismo, golf, turismo náutico, turismo rural, congresos, convencións, turismo activo e de natureza.

Tema 15. A Lei de ordenación e promoción do turismo en Galicia e normas de desenvolvemento.

Tema 16. A comercialización (organización comercial) de Galicia como destino turístico.

CONSELLERÍA DE MEDIO AMBIENTE E DESENVOLVEMENTO SOSTIBLE

Orde do 18 de decembro de 2006 pola que se establecen as bases reguladoras para a concesión de axudas aos concellos galegos para a promoción de iniciativas ambientais, así como a súa convocatoria para 2007.

A Consellería de Medio Ambiente e Desenvolvemento Sostible, segundo o establecido no artigo 11

do Decreto 232/2005, do 11 de agosto, polo que se fixa a estrutura orgánica dos departamentos da Xunta de Galicia, e o Decreto 1/2006, do 12 de xaneiro, polo que se establece a súa estrutura orgánica, é o órgano da Xunta de Galicia ao que lle corresponde o exercicio das competencias e funcións que, en materia de ambiente e conservación da natureza, se establecen nos artigos 27.10º, 15º e 30º, así como no artigo 29.4º do Estatuto de autonomía de Galicia, e demais normativa de aplicación, en especial na normativa sobre protección ambiental de Galicia.

As cuestións ambientais teñen, hoxe en día, unha fonda repercusión na nosa sociedade, cada vez máis concienciada da importancia da súa conservación, do seu uso dun xeito racional e sustentable, de xeito que non mingüe o patrimonio ambiental que se lles legue ás vindeiras xeracións, polo que os poderes públicos promoven unha política ambiental baseada en parámetros proteccionistas, ao mesmo tempo que incentivan o aproveitamento racional do medio como unha oportunidade de creación de actividade económica e emprego, de desenvolvemento económico, en definitiva. Isto xa hai tempo que se reconece na normativa da Unión Europea (UE), así como na súa programación, como a Estratexia Europea de Lisboa (EEE) na que se fixan as directrices para o desenvolvemento social e económico da Unión ata 2010.

É unha cuestión común a todas as políticas sectoriais de fomento a necesidade de que na súa posta en práctica se prevexa a perspectiva local, a participación nelas das administracións locais, o chanzo máis próximo ao cidadán e que, polo tanto, mellor coñecen as necesidades dos seus veciños e o modo axeitado para solventalas. Este enfoque local incluso se reconece e se promove desde as instancias da UE, principalmente a través dos informes do Comité das Rexións.

A Lei 5/1997, do 27 de xullo, de Administración local, no seu artigo 80 atribúelles aos concellos, en consonancia coa Lei de bases de réxime local, competencias ambientais. Así, os municipios teñen competencias en materia de protección do ambiente; de conservación e mellora dos espazos naturais; de recolla e tratamento de residuos; de protección, prevención e corrección da contaminación atmosférica e acústica; de avaliación de impacto ambiental, e de abastecemento a poboacións así como de tratamento de augas residuais, entre outras.

O principio de subsidiariedade, acuñado no dereito comunitario, preténdese aplicar neste programa, no convencemento de que a Administración municipal, como a máis próxima aos cidadáns, é a que, en colaboración coa autonómica, mellor pode levar a cabo o programa, de xeito que este dea os froitos pretendidos, que os cidadáns se poidan achegar á natu-